



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Replica Ioan. Eckii Adversvs Scripta secunda Buceri  
apostatæ super actis Ratisponæ**

**Eck, Johannes**

**Ingolstadii, 1543**

**VD16 E 416**

Bucer excusat Lutherum in peccatis, & culpat religiosos.

**urn:nbn:de:hbz:466:1-30106**

talis memoriae Saxoniae principem tractauit scurra iniurijs  
 Principes. & contumelijs, vt vernam. Sic asserit obedientiam erga prin-  
 cipes, vt scribat ad eos, subditi non possunt, nec volunt, nec  
 debent tyrannidem vestram diutius ferre, cum alijs seditio-  
 nissimis scriptis alibi per me citatis.

Aperitiss-  
 ma menda-  
 cia.  
 Luther in-  
 temperatiss.

Burz. men-  
 daciter ex-  
 cusat Lu-  
 therum.

Vol. 23

Inculpati-  
 mores Bu-  
 cero sunt  
 hypocrisis

Odiū reli-  
 giosorum  
 a diabolo.

Et cum tota Germania nouerit, quam intemperater &  
 A sotice uiuat, audet Bucerus virum dissolutissimae vitae cō-  
 mendare, ab innocentia, frugalitate, moderatione, & tem-  
 perantia, & quod bonorum operum praedicator sit ardens-  
 tissimus, quorum omnium contrarium superius euidenter  
 ostendimus, vt meris cauillis & verborum fucis hunc a pra-  
 fatis criminibus expurgare nitatur, cum in aprico sit, quā  
 seditiose Maiestatē Regum & principum non modo nihili  
 fecerit, sed etiam conuulserit: Sicut recte & vere habitus  
 est carnalis licentiae patronus, & austerioris vitae improba-  
 tor.

Peius excusat Lutherum, cur vota claustralium rumpē-  
 da docuerit, & religiosam vitam abiiciendam. O vanissimā  
 excusationem, quam nec Turca acceptaret. Quicquid enim  
 non sapit carnem & concupiscentias eius, vocant hypocri-  
 sim, castitatem, ieiunia, abstinentias. Perpetuo seruire deo,  
 iugiter diebus ac noctibus diuinis insistere laudibus, hypo-  
 crisis illi est. Obseruare rigorem in exercitijs corporis, tyran-  
 nis illi est, nisi saltetur, mœchetur, conuiuetur, discurratur  
 more Lutherano, non est religio. Et cum certum sit odium  
 illud acerbum religionis, & vituperium vitae monasticae,  
 non posse habere, nisi diabolum autorem, audet excucullae-  
 tus Bucerus (vt suum quoque dedecus obtegat) id tribuere imi-  
 tationi prophetarum, apostolorum, atque adeo ipsius Chris-  
 sti, ac si vnquam dominus seruatoribus suis perpetuis, imo ami-  
 cis sponsi & sequentibus agnum, fuerit iniuriatus: Cum se  
 castrauerint propter regnum dei, Matth. 19. Ideo deus pro-  
 miserit eis locum, & nomen melius a filiis Israel, nomen sempiternis

piternum, quod non peribit, Esaia 56. Et hic exititius monachus vult eis dare pessimum nomen. Et vt euidentior eorum sit impietas & aperta in spiritum sanctum blasphemia, non solum extirpare satagunt eos, qui relictis omnibus iuxta consilium euangelicum sequuntur Christum, & qui mundo renunciant & pompis eius, sed quanto pauperiores sunt, & viliori habitu innocenter viuunt, ac citra cuiusq; iniuriam deo seruiunt, tanto grauius eos molestant, vt sunt sancti Francisci fratres, Chartusij, sanctae Clarae, sanctae Catharinae, sanctae Brigittae sorores. At indicem addit Lydium lapidem Bucer, quia vita vtrinq; probat, vt ibi verum humiliandae carnis & pudicitiae studium vigeat. Hic omnibus exititijs monachis & monialibus, excucullatis, apostatis, votifragis, Venereis militibus, primam fidem irritam contra apostolum facientibus, oppono virgines deo sacratas, ancillas Iesu Christi Nurnbergae, quae consilium Pauli sequentes in virginitate cogitant, quae domini sunt, & quomodo deo placeant, omni ornatu & luxu seculi contempto; quantumuis dure & aspere habeantur, ob hoc solum quod honeste viuunt, & fidem Christo semel datam custodiunt. Etiam si Nigra hoc sacro contubernio indigna, manum ad aratrum positam retraxerit, ac cum vxore Loth retrospectans nephario concubito abbati Benedictino iuncta, titillationibus carnis maluit succumbere, quam fortiter tentationibus & illecebris voluptatum cum sanctis virginibus sororibus suis in CHRISTO resistere.

Quis autem non rideat Bucerum cum sanctulo suo Luthero, quem ob regnum Christi defendendum ait spiritu prorsus Heroico tonare, nihil mediocre adhibere, nihilque nisi Christum querere. Quam vere dixit Hierony. haeretici eos omnes esse impudentes, quum supra narrauimus eum habere, quod quaesuit. Et quae ipsum docere hic & scopum

E ij eius

Virgines  
sacrae  
Nurnbero  
ga gratia  
dei vere  
Heroicae.

Schvuer  
tzin.

Super ec  
clesiaste.